

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1677 del 21/06/2024

En Jorzòmmtrèff hòt s drinn aa trentiner va de gamoa'schòftn van zimbern ont van bersntoler

De taitschn sprochgamoaschòftn en Balschlònt hom se pfundtn ka Bosco Chiesanuova

[Mòcheno] Vour a por ta hòt se gahòltn ka Bosco Chiesanuova, oa's van derver va de zimbrische gamoa'schòft van XIII Gamoa'n va Verona, der jorträff van Komitat van taitschn historischn gamoa'schòftn en Balschlònt. Der Komitat, as ist augòngen en 2002, pintet zòmm institusionen ont vraischòftn as kemmen van 17 taitschn sprochinseln as se vinnen en gònze balsch toal van Alpn, van Aostatol vinz en Friuli Venezia Giulia.

De gamoa'schòftn hom a toal sòchen as glaich sai', ober de hom aa ausònderega sprochelementn as enteressiarn en de auskennlait. De sprochen as haitzegento prauht kemmen, sai' asou bavai s hòt gahòp an austausch ont kontakt pet òndra sprochen ont lander, as sa gamòcht hom kemmen eppas oa'zeges. Va auset tsechen, toaln se se en zboa groasa familie: de poarischen as se vinnen en Friuli Venezia Giulia, en Veneto ont en Trentin ont de alemannischen as sai' en Piemonte ont en Aostatol.

Der jorträff ist an moment bo as men austausn ont herziachen tuat de sèlln as sai' de problemen, as bolten vert sai' de glaichen, ober en kontèkstn as en de unterschiedlechen Regionen gònza onderst sai' kennen, ver gasetzn oder òndra faktorn.

Ka Bosco Chiesanuova sai' ausgamòcht kemmen de normaletn sòchen van a vraischòft ont s sai' vernaiert kemmen de orgln: de koordinatoren ist plim de Anna Maria Trenti Kaufman va Lusern ont sekretare der bersntoler Leo Toller.

Der Komitat tuat aa de òrbet van an organazion as schaukt aus ont mòcht aus de sprochpolitik, tuat enviretrong òrbetn ver òlla dermit za sporn zait ont gèlder ont gem de megleckheit en òlla de gamoa'schòftn za mòchen projektn as sistn nèt òlbe kanatn sa tea' aloa'. Zan paispil, bail en trèff ist kemmen vourstell a puach as kontart de glaiche gschicht ver an iata gamoa'schòft ont as men bart kennen u'schaung ont lisnen as de saitn internet van komitat www.solelinguistiche.it. Van òrbetn as vourtschechen sai', bart s hom an untersuach as de toponomastik dermit za gem bërt en de na'm van eirter van an iata gamoa'schòft pet kriterien as se voursstelln ont ausglaichen kennen.

(lt)